

**TRIDESET I ČETVRTA SKUPŠTINA  
JP Elektroprivreda BiH d.d. - Sarajevo**

**MATERIJAL ZA TAČKU 5. DNEVNOG REDA**

**NAZIV MATERIJALA:**

**5. Usvajanje Odluke o dokapitalizaciji JP Elektroprivreda BiH d.d. - Sarajevo, ZD  
RMU Zenica d.o.o. Zenica**



Sarajevo, 05.02.2015. godina

## SKUPŠTINA DRUŠTVA

### OBRAZLOŽENJE

prijedloga Odluke o dokapitalizaciji JP Elektroprivreda BiH d.d. - Sarajevo,  
ZD RMU Zenica d.o.o. Zenica

Dana 04.09.2014.godine u 16 sati i 27 minuta u jami Raspotočje ZD RMU Zenica d.o.o. Zenica desio se gorski udar. Na osnovu Rješenja Federalne uprave za inspekcijske poslove, kao i odluke Štaba službe spasavanja ZD RMU Zenica d.o.o. Zenica, obustavljen je rad u jami Raspotočje do donošenja konačnog rješenja. ZD RMU Zenica d.o.o. Zenica je formirao Stručni tim za izradu Elaborata „Plan restrukturiranja i nastavka rudarskih radova nakon gorskog udara u pogonu Raspotočje ZD RMU Zenica d.o.o. Zenica“. Na nivou Vladajućeg društva formiran je Stručni savjet za ocjenu Elaborata u čijem sastavu su, pored članova-zaposlenika Vladajućeg društva, i Federalni rudarski inspektori i član ispred Federalnog ministarstva energije, rudarstva i industrije. U „Planu restrukturiranja i nastavka rudarskih radova nakon gorskog udara u pogonu Raspotočje ZD RMU Zenica d.o.o. Zenica“, u poglavlju 7- Tehnoekonomska analiza investicionih projekata, navedeno je da su potrebna investiciona sredstva u ukupnom iznosu od 49.427.687,68 KM za nabavku repromaterijala, za finansiranje troškova energije i radne snage u vrijeme investicijskog ciklusa. Kao mogući izvori finansiranja navedeni su:

- kreditna sredstva u iznosu od 30.427.687,68 KM za period 2014.-2016.godina, i
- sredstva dokapitalizacije od strane Vladajućeg društva u iznosu od 19.000.000,00 KM u 2015.godini.

Dana 17.11.2014.godine održana je sjednica Stručnog savjeta za ocjenu Elaborata, koji je urađen od strane ZD RMU Zenica d.o.o. Zenica i između ostalih, donesen je zaključak da se usvaja „Plan restrukturiranja i nastavka rudarskih radova nakon gorskog udara u pogonu Raspotočje ZD RMU Zenica d.o.o. Zenica“, s tim da se isti prethodno koriguje od strane obrađivača, a na osnovu komentara, primjedbi i sugestija koje su iznesene na sastanku. Stručni savjet je također zaključio da je, uporedo sa donošenjem poslovnih odluka vezanih za investiciona ulaganja, neophodno pokrenuti aktivnosti na prestrukturiranju ZD RMU Zenica u cilju postizanja veće efikasnosti i adaptacije na nove tržišne uslove poslovanja.

Uprava Vladajućeg društva je na 198. sjednici, održanoj 23.12.2014.godine između ostalog razmatrala „Plan restrukturiranja i nastavak rudarskih radova nakon gorskog udara u pogonu Raspotočje ZD RMU Zenica d.o.o. Zenica“ te isti prosljedila Nadzornom odboru JP EP BiH.

Obzirom na činjenicu da je pogon Raspotočje zatvoren, uz napomenu da od ukupno planirane godišnje proizvodnje uglja u ZD RMU Zenica d.o.o. Zenica iz ovog pogona se isporučuje cca 40% uglja, usljed nedostatka prihoda od uglja i pored već poduzetih mjera, nedostaju sredstva za ponovno uspostavljanje procesa proizvodnje i saniranje šteta, ali i za rješavanje tekuće likvidnosti i servisiranje vlastitih obaveza prema zaposlenicima.

#### DIREKCIJA

Vilsonovo šetalište 15, 71000 Sarajevo, BiH  
Tel: +387 33 75 17 00; Fax: +387 33 75 17 07  
www.elektroprivreda.ba  
Reg. broj: UF/I-392/04 Kantonalni sud Sarajevo  
Porezni broj: 4200225150005, PDV broj: 200225150005  
1549212003366506 - Intesa Sanpaolo banka d.d. Bosna i Hercegovina  
1601060000004629 - Vakufska banka d.d. Sarajevo  
1990490176075902 - Sparkasse Bank d.d. Sarajevo

#### PODRUŽNICE

Hidroelektrane na Neretvi, Jablanica, J. Černija 1  
Termoelektrana «Kakanj», Kakanj, Catići  
Termoelektrana «Tuzla», Tuzla, 21. aprila 4  
«Elektro distribucija», Bihać, Bosanska 25  
«Elektro distribucija», Mostar, Adema Buća 34  
«Elektro distribucija», Sarajevo, Zmaja od Bosne 49  
«Elektro distribucija», Tuzla, Rudarska 38  
«Elektro distribucija», Zenica, Safvet bega Bašagića 6



U nacrtu Plana poslovanja JP Elektroprivreda BiH d.d. Sarajevo za period 2015.-2017.godina, koji je utvrđen od strane Uprave Društva na 202.sjednici od 21.01.2015. godine u poglavlju Plan ulaganja, pozicija VI e) za 2015.godinu planirana su sredstva za dokapitalizaciju u novcu za ZD RMU Zenica u iznosu od 2.000.000,00 KM.

Što se tiče osiguranja od nenamjenskog trošenja sredstava ovom Odlukom je predviđeno da ZD RMU Zenica d.o.o. Zenica sačini Plan izmirenja obaveza koji će sadržavati razloge, obim i način utroška sredstava obezbijedenih dokapitalizacijom. Navedeni plan, kako bi dokapitalizovana sredstva postala operativna mora odobriti Uprava JP Elektroprivreda BiH d.d.- Sarajevo.

Nadzorni odbor Društva je na 51. sjednici, održanoj 05.02.2015. godine, utvrdila prijedlog Odluke o dokapitalizaciji JP Elektroprivreda BiH d.d. - Sarajevo, ZD RMU Zenica d.o.o. Zenica koji se upućuje Skupštini Društva na odlučivanje.

Predsjednik  
Nadzornog odbora

dr.sci Enver Agić, dipl.el.ing.

Prilog: Prijedlog Odluke o dokapitalizaciji JP Elektroprivreda BiH d.d. - Sarajevo,  
ZD RMU Zenica d.o.o. Zenica

CO: - 02  
- 02-5  
- a/a

DIREKCIJA

Vilsonovo šetalište 15, 71000 Sarajevo, BiH  
Tel: +387 33 75 10 00; Fax: +387 33 75 10 03  
www.elektroprivreda.ba

Reg. broj: UF/I-392/04 Kantonalni sud Sarajevo  
Porezni broj: 4200225150005, PDV broj: 200225150005  
1549212003366506 - Intesa Sanpaolo banka d.d. Bosna i  
Hercegovina

160106000004629 - Vakufska banka d.d. Sarajevo  
1990490176075902 - Sparkasse Bank d.d. Sarajevo

PODRUŽNICE

Hidroelektrane na Neretvi, Jablanica, J. Černija 1  
Termoelektrana «Kakanj», Kakanj, Čatići  
Termoelektrana «Tuzla», Tuzla, 21. aprila 4  
«Elektro distribucija», Bihać, Bosanska 25  
«Elektro distribucija», Mostar, Adema Buča 34  
«Elektro distribucija», Sarajevo, Zmaja od Bosne 49  
«Elektro distribucija», Tuzla, Rudarska 38  
«Elektro distribucija», Zenica, Safvet bega Bašagića 6






**PRIJEDLOG ODLUKE**

koga Skupštini Društva u niže izloženom tekstu  
radi usvajanja upućuje:

**Nadzorni odbor**

JP Elektroprivreda BiH d.d. - Sarajevo  
Predsjednik

  
dr. sci. Enver Agić  
05.02.2015. godine

Na osnovu člana 41. tačka a) Zakona o javnim preduzećima u Federaciji Bosne i Hercegovine (Službene novine Federacije BiH, broj: 8/05, 81/08 i 22/09), i članova 57. i 128. stav 1. tačka 1. Statuta Javnog preduzeća Elektroprivreda Bosne i Hercegovine d.d.-Sarajevo, (prečišćeni tekst), broj: SD-1067/11-19/3.b) od 09.03.2011. godine, Statuta o izmjenama i dopunama Statuta Javnog preduzeća Elektroprivreda Bosne i Hercegovine d.d.-Sarajevo, broj: SD-28363/11-23/2 od 24.11.2011. godine i Statuta o dopunama Statuta Javnog preduzeća Elektroprivreda Bosne i Hercegovine d.d.-Sarajevo, broj: SD-7863/12-25/2. od 20.04.2012. godine, \_\_\_\_\_ Skupština JP Elektroprivreda BiH d.d.-Sarajevo, održana dana: \_\_\_\_\_ 2015. godine, donosi:

**O D L U K U**

**o dokapitalizaciji JP Elektroprivreda BiH d.d.-Sarajevo, ZD RMU „Zenica“ d.o.o.-Zenica**

**Član 1.**

JP Elektroprivreda BiH d.d.-Sarajevo, pristupa dokapitalizaciji JP Elektroprivreda BiH d.d.-Sarajevo, ZD RMU „Zenica“ d.o.o.- Zenica ulaganjem u novcu radi finansijske konsolidacije i jačanja likvidnosti navedenog Zavisnog društva.

**Član 2.**

Dokapitalizacija iz člana 1. ove Odluke je predviđena u Planu poslovanja JP Elektroprivreda Bosne i Hercegovine d.d.-Sarajevo za period 2015-2017. godina, poglavlje Plan ulaganja, tačka VI e) za 2015.godinu i izvršit će se u iznosu

**2.000.000,00 KM**

(slovima: dvamiliona KM)

<i>Izvori Elektroprivrede BiH</i>	<i>2015. godina (KM)</i>
<i>Vlastita sredstva</i>	<i>2.000.000,00</i>

Za iznos novčanih ulaganja iz stava 1. ovog člana će se povećati osnovni kapital JP Elektroprivreda BiH d.d.-Sarajevo, ZD RMU „Zenica“ d.o.o.-Zenica, a za isti iznos će vladajuće društvo JP Elektroprivreda Bosne i Hercegovine d.d.-Sarajevo povećati vrijednost svoga udjela u navedenom Zavisnom društvu.

### **Član 3.**

Sredstva iz člana 2. ove Odluke će se upotrijebiti za izmirenje obaveza zavisnog društva JP Elektroprivreda BiH d.d.-Sarajevo, ZD RMU „Zenica“ d.o.o.-Zenica, u skladu sa Planom izmirenja obaveza ZD RMU „Zenica“ d.o.o.-Zenica, koji će sačiniti zavisno društvo i dostaviti na odobrenje Upravi JP Elektroprivreda BiH d.d.- Sarajevo, a sve u skladu sa Planom restrukturiranja i nastavkom rudarskih radova nakon gorskog udara u pogonu Raspotočje ZD RMU Zenica d.o.o. Zenica.

Plan izmirenja obaveza ZD RMU „Zenica“ d.o.o.-Zenica iz stava 1. ovog člana obavezno sadrži razloge, obim i način utroška sredstava obezbijedenih dokapitalizacijom.

### **Član 4.**

Daje se saglasnost Skupštini JP Elektroprivreda BiH d.d.-Sarajevo, ZD RMU „Zenica“ d.o.o.-Zenica, da nakon odobrenja Plana izmirenja obaveza ZD RMU „Zenica“ d.o.o.-Zenica od strane Uprave JP Elektroprivreda BiH d.d.-Sarajevo, u skladu sa ovom Odlukom donese Odluku o povećanju osnovnog kapitala JP Elektroprivreda BiH d.d.-Sarajevo, ZD RMU „Zenica“ d.o.o.-Zenica za iznos ulaganja iz ove Odluke, te da izvrši izmjenu Statuta JP Elektroprivreda BiH d.d.-Sarajevo, ZD RMU „Zenica“ d.o.o.-Zenica.

### **Član 5.**

Rok za realizaciju uplate sredstava iz člana 2. je 30 dana od datuma donošenja odluke iz člana 4. i to kroz uplatu novčanih sredstava na žiro-račun JP Elektroprivreda BiH d.d.-Sarajevo, ZD RMU „Zenica“ d.o.o.-Zenica.

### **Član 6.**

Za realizaciju ove Odluke zadužuju se Direkcija JP Elektroprivreda BiH d.d.-Sarajevo putem sektora i službi, svakog u okviru svoje nadležnosti, te JP Elektroprivreda BiH d.d.-Sarajevo, ZD RMU „Zenica“ d.o.o.-Zenica.

### **Član 7.**

Odluka stupa na snagu danom donošenja.

Broj:  
Sarajevo,

Predsjednik  
Skupštine društva